

HILLSONG CHURCH SOUTH AFRICA

**BA SANGO
MALAMU**

MIKOLO 21 OYO EZA KOYA

[HILLSONG.COM/SOUTHAFRICA](https://www.hillsong.com/southafrica)

BOYEYI MALAMU NA NDAKU

To lingi to pesa boyeyi malamumu ya kitoko koleka pona yo!

Toza na esengo koleka na ndenge okokaki kosangana nà biso.

Tozo likia ete obikaki makambu ya kitoko pe omiyokaki lokola na ndaku na yo.

To ndimi ete mutu nyonso azali na motuya pona Nzambe, pe ye azali na mabongisi pe tina ya monene pona yo.

Lokola eklezia, to bongisaki mokanda oyo ya mikolo 21 pona kosunga yo na botamboli na yo nà Yesu.

Bolingo ya ebele

Phil nà Lucinda

Babateli mpate ya yambo

Hillsong Church South Africa (Eklezia Hillsong ya Afrika ya Ngélé)

TO NDIMELAKA NINI?

TO NDIMELAKA Biblia lokola liloba na Nzambe. Ezali sóló, na nguya pe ezali na motuya ya kosalela yango na bomoyi na biso ya mikolo nyonso.

TO NDIMELAKA Nzambe moko ya seko oyo azali mokeli ya biloko nyonso. Azalaka na bato misatu; Nzambe Tata, Nzambe Mwana pe Nzambe Molimo-Santu. Aza bolingo na bokoki be pe mosantu na mobimba na ye.

TO NDIMAKA ete lisumu ekabolà moko na moko kati na biso nà Nzambe pe mabongisi na ye pona bomoyi na biso.

TO NDIMAKA ete Nkolo Yesu-Christu lokola Nzambe pe mutu azali mutu se moko oyo akoki koyokanisa biso nà Nzambe. Abikà bomoyi moko ezanga lisumu pe oyo epesaka ndakisa, akufà na ekulusu na esika na biso pe asekwa pona kolakisa elonga na ye pe kopesa biso nguya pona bomoyi.

TO NDIMAKA ete pona kozua bolimbisi pe "mbotama ya sika", esengeli to tika masumu na biso, to ndimela Nkolo Yesu-Christu pe to mikitisa liboso ya posa na ye pona bomoyi na biso.

TO NDIMAKA ete pona kobika bomoyi esantu pe efulukà oyo Nzambe abongisà pona biso, esengeli to batisama na mayi pe to tondisama na nguya ya Molimo-Santu. Molimo-Santu epasaka biso makoki ya kosalela makabo ya molimo, na kati ya ba nani koloba minoko ya sika.

TO NDIMELAKA nguya pe ndimbola ya Eklezia pe na motuya pona ba ndimi ya kosangana tango nyonso pona boyokani, losambo pe "bokaboli ya lipa".

TO NDIMAKA ete Nzambe apesà biso makoki, mutu na mutu, po ete to koka kokokisa na bolongi nyonso mabongisi na ye pona bomoyi na biso oyo ezali kosanjola Nzambe, kosala mosala na biso na Eklezia pe kosala na egomba esika wapi tozo bika.

TO NDIMAKA ete Nzambe alingi kobikisa pe kobongola biso na tina ete to koka kobika bomoyi malamumu pe epambwamà po tosunga basusu malamumu koleka.

TO NDIMAKA ete suka na biso ya seko ezali lola to lifelo kolandisama na eyano na biso na Nkolo Yesu-Christu

TO NDIMAKA ete Nkolo Yesu-Christu akozonga lisusu lokola alakaki.

YESU ALINGI YO

Longonia monene pona mokano ozui ya kolanda Yesu. To ndimaka ete nzela ya koyeba Yesu esalemaka malamumu koleka na eyamba. Ya s^óló ozali na mituna ebele, yango wana to bongisaki mokonda oyo ya mikolo 21 pona kosunga yo okola na boyokani na yo nà Yesu, pe pona kosunga yo omona esika na yo na eklezia na biso.

Oyo eza kaka ebandeli...

Kobikisama, to kobika ezali komikitisa liboso ya Nzambe pe mabongisi na ye pona bomoyi na biso. Wana elakisi kopesa mukongo na bomesano na biso ya kala pe kobaluka epai na Yesu, kosenga ya bolimbisi pona masumu na biso pe kozua bomoyi ya sika kati na ye.

Ba Roma 10: 9 elobi ete "Soki otatoli na monoko na yo:"Yesu azali Nkolo"pe ondimi na motema na yo ete Nzambe mutu asekwisà ye. Bongo okobika"

Lobiko eza likabo ya ofele ya Nzambe pona biso pe tokomaka bana na ye. Ezali kondimama na libota ya Nzambe oyo ekolongwa te pe nguya ya kobika mobimba na mobimba bomoyi na tina ya kotalisa Nzambe na bikelamu na ye oyo batikali.

Soki ondimisami mpenza te ete oza malamumu na Nzambe to pe soki oyebi ete oza na bosenga ya Yesu na bomoyi na yo, okoki kopona kolanda ye sika oyo na kobondela libondeli ya komitika na Yesu.

Yesu na ngai, nazo bondela libondeli oyo po na ye bi ete nasalaki mabe na kobika nà yo te. Limbisa nga pe nazo likia ete oko limbisa nga. Na ndimi bolingo na yo pe ngolu na yo pona ngai pe na sengi ete ozala Nkolo na ngai. Sunga nga na ndimela yo pe na linga yo mikolo nyonso, pe sunga nga na lakisa mokili oyo ozali pe boni bolingo na yo eza monene. Na kombo na Yesu. Amen.

Longonia! Kobondela maloba oyo nà motema oyo etikamà epai na Yesu eza ebandeli ya mobembo oyo eleki motuya koleka mibembo nyonso oyo okenda: Mobembo pona kolanda Yesu.

Date:

Kombo:

MOKOLO 1: NZAMBE AZALI NANI?

Sanza ebalukaka nzinga nzinga ya mabélé, kasi mabélé ebalukaka nzinga nzinga ya moyi Na bomoyi na biso, to mekamaka biso nyonso na kokitisa nzambe na monene ya sanza, wana abalukaka nzinga nzinga na biso. Kasi Biblia etandi elili ya nzambe na ndenge mususu : Nzambe moko oyo engengaka makasi pe atondà nkembo pe aza na lolenge moko ya kokoma kati kati ya bomoyi na biso, kaka te suku moko ya makambu ya nzambe to tià na mopanzi. Ata soki mokili na tango ya Biblia nà ya tango na biso eza ndenge moko te na mobimba na yango, sango malamau eza ete Nzambe oyo Biblia etalisi ebongwanà ata mukie te. Bilimboli nyonso ya Nzambe na Biblia ezo sala mosala ya molakisi ya bosóló oyo ebongwanaka te wana tozo luka toyeba nani Nzambe azali.

To tanga bokutani ya mutu moko na ye.

Biblia ezo tangisa nini?

1 Na mbula oyo mokonzi Uziya akufaki, nazalaki na Ndako ya Nkolo, pe na moni lokola na ndoto: Yawe azalaki na mwa-likolo, afandi na ngwende ya bokonzi. Elamba na ye ezalaki molayi, ekitaki ti na se, etondisi Ndako mobimba. 2 Bikelamo ya môtô ezalaki na likolo na ye. Moko moko na yango ezalaki na mapapu motoba: mibale po na kobomba elongi, mibale po na kozipa nzoto, pe mibale po na kopumbwa. 3 Ezalaki koganga yango na yango: "Mosantu, Mosantu, Mosantu! Yawe ya nguya nyonso azali Mosantu! Mokili mobimba etondá na nkembo na ye!" 4 Mingongo na yango ezalaki koningisa baporte ya Ndako ya Yawe, pe Ndako mobimba etondaki na milinga. 5 Bongo namilobi: "Esili na ngai! Nabebi! Pamba te maloba nyonso oyo ebimaka na monoko na ngai ezali mbindo na miso ya Yawe; pe bato ya ekolo na ngai, minoko na bango etondá na mbindo. Nzokande ngai mutu ya mbindo boye, namoni Mokonzi, Yawe ya nguya nyonso!" 6 Bongo ekelamo moko ya môtô epumbwe pe eyei epai na ngai. Ezalaki na esimbeli ya ebende na liboko, ekamati na yango likala ya môtô oyo ezalaki na mesa ya mabonza. 7 Etutisi ngai yango na monoko, pe elobi: "Lokola môtô oyo etuti mbebo na yo, mabe na yo elongwe, masumu na yo elimbisami." 8 Bongo nayoki Nkolo azali kotuna: "Nátinda nani? Nani akozala ntoma na biso?" Nazongisi: "Ngai oyo, tinda ngai." Ezaya 6:1-8

Elakisi nini pona ngai?

Nzambe azali ndenge nini? To moni ete azali : 1) Mokonzi ya libela (v1) Ata soki bakonzi ya mokili bayaka pe bakendaka, Nzambe avandaka kaka likolo ya ngwende na ye. 2) Likolo pe anetwamà (v2). Aza monene ya kokamwa. 3) Mosantu (v3). Elakisi ete azali peto pe ye moko na mobimba nyonso. 4) NKOLO (v3). Kombo ya munoko ya ba Ebelo "Shaddai" elakisi oyo aza na nguya pona kosala na kombo ya baye oyo bazo belela ye na motema mobimba. 5) Mokeli (v3). Asalà mokili mobimba. 6) Atonda Nguya (v3). Nkembo na Nzambe ezali bongengi kitoko ya ezaleli na ye ekokà. Nkembo na ye etondi mokili.

Lolenge nin esengeli to yanola na bozalisami na ye? Tango to kutanaka nà ye sóló sóló, to sanjolaka ye lokola bangelu basalaka yango (v3), to lenga na bobangi (v4), to yeba lolenge na biso ya masumu (v5), to yamba bolimbisi na ye pe kosimba na ye oyo epetolaka (v7) pe to luka lolenge ya koloba na baninga denge nini aza ya kokamwa (v8).

Nini na koki kosala?

Ozo ndima ete Nzambe azali lokola Biblia etalisi biso awa? Soki bomoyi na ye ezalaki ya kokokana na mabélé, po na ye Nzambe akokani na sanza to na moyi?

Olingi oyeba ya koleka?

Tanga Ezaya 40:12-27 pe Banzembo 103.

MOKOLO 2: YESU AZALI NANI?

Mituna tolingaka kotuna na oyo etali Nzambe eza na suka te: Nzambe azali ya sóló? Oyo toyebi likolo na ye eza ya sóló sóló? Eloko nini akoya kosala na bomoyi na nga?

Biblia ekoki koyanola na mituna nyonso te na oyo etali Nzambe pe ekomema mingi mingi na kuta mituna misusu ya koleka, kasi moko ya bisika wapi Biblia eza mpwasa eza eyano na motuna: Yesu azali nani?

Yesu apesi longonia na Ntoma Petelo pona atalaki ye lokola "Mesia, mwana ya Nzambe ya bomoi"(Matayo 16:16) po Yesu ayebi nani azali - pe akoki kozala pona yo - aza na makoki ya kobongola bomoi na biso. Yesu aza ye moko makasi po mikili mibale ekutanaka kati na ye: Lola pe mokili, Bonzambe pe bomoto.

Iyo, kombo na ye eza kombo likolo ya bakombo nyonso, pe nguya ya mpemà na ye, bopemisi bambonge pe ya bikamwisi eza na oyo ekokani na yango te. Kasi, azali pe Yesu ya mutu, moninga ya motema oyo tozo lekana na yango pe amitungisamaka pona biso. Yango wana Biblia ebengi ye pe "Emmanuel", Nzambe elongo na biso.

Biblia ezo tangisa nini?

"Pamba te, Nzambe alingi bato ya mokili mingi penza; yango wana apesaki Mwana na ye se moko, po ete mutu nyonso oyo akondimela ye akufa te, kasi azua bomoyi ya seko." Yoane 3:16

"Pamba te nayebi malamumu penza ete ata eloko moko te ekoki kokabola biso na bolingo na ye; ezala liwa to bomoyi; ezala banjelu to milimo ya mabe, ezala makambo ya lelo to oyo ekoya..." Ba Roma 8:38

Elakisi nini pona ngai?

Sik'oyo, Yesu amitungisamaka pona yo? Iyo asalaka yango! Ndenge nini to yebi yango? Mingi mingi, to milongolaka na bolingo na Nzambe likolo ya lisolo na biso, ya bopoli na biso pe ya bokakemi na biso. Lisumu ekabolà biso na Nzambe pe to koki soko mokie te kobongisa lisumu na biso na komibongisa yo moko to na misala malamumu. Sik'oyo, ndenge nini to koki kondima ete tolongà te? Pe kondima bolingo na Nzambe, ezali kolikia na bozeli, mawa, pe ngolu na ye pona biso. Kaka ye aza na nguya ya kokangola biso na komipesa etumbu, na soni, pe na etumbu pona kopesa biso bomoyi ya mobimba. Nyonso oyo esengeli to sala eza kotala epayi na ye.

Nini na koki kosala?

Kondima bolingo na ye lelo. Tika ye alinga yo ndenge ozali, alingi yo kaka te kasi azali pe kosepela na yo.

Olingi oyeba ya koleka?

Kososola kombo na yo ya sika kati na Yesu ezali likambu moko ya bokangolami makasi, okoki koyeba ya koleka na batala-tala oyo elandi: 2 Ba Korentia 5:17; Ba Filipia 3:8-11

MOKOLO 3: MOLIMO SANTU AZALI NANI?

H2O ekoki kozala na balolenge misatu oyo ekeseni (mayi, mopepe, libanga ya mayi) na kozalakà kaka eloko moko. Na lolenge moko, Nzambe amimonisaka epayi na biso na misatu: Tata, Mwana pe Molimo Santu (Tala Matayo 28:19). Eza na Nzambe kaka moko, misatu te: Na bokamwi nyonso, azali pe kaka bango nyonso misatu na mbala moko.

To kende na Molimo Santu. Molimo ayaka kobika kati na biso tango tokomaka bakristu.

Buatu ya elamba ezalaka na bosenga ya mopepe, soki te akonignana te. Molimo Santu aza mopepe na kati ya bilamba ya batu ya bomoyi ya moko na moko ya bakristu.

Biblia ezo tangisa nini?

7 Kasi na zali koloba na bino ya sòló: eleki malamú po na bino ete nakende; pamba te soki nakeyi te, Mosalisi akoyela bino pe te; kasi soki nakeyi, nako tindela bino ye 8 *Tango ye akoya, akomonisa polele ete bato ya mokili babungi. 9 Akolakisa ete ba zali na lisumu, pamba te ba boyi kondimela ngai. 10 Akolakisa ete Nzambe azali bosembo, pamba te nakeyi epayi ya Tata, pe boko mona ngai lisusu te. 11 Akolakisa pe ndenge Nzambe akataka makambo, pamba te mokonzi ya mokili oyo asi azui etumbu na ye* 12 *“Nazali lisusu na makambo ebele ya koyebisa bino, kasi ekoleka mingi po na bino sik’oyo. 13 Molimo alingi aya; ye nde mutu ayebi makambo nyonso oyo Nzambe azali kolakisa, bongo akoyebisa bino makambo nyonso ya sòló. Akoloba na kombo na ye moko te, kasi akoloba bobele makambo oyo ye ayokaki, pe akoyebisa bino makambo ekoya. 14 Ye akokumisa ngai, pamba te akozwa makambo nyonso epai na ngai pe akoyebisa bino yango. 15 Nyonso oyo Tata azali na yango, ezali pe ya ngai. Yango wana nalobi ’ete Molimo akozua makambo nyonso epai na ngai, bongo akoyebisa bino yango.”* Yoane 16:7-15

Elakisi nini pona ngai?

Molimo Santu azali nani? Abengami "mopesi toli" (v7) oyo elakisi mobondisi, mopesi makasi, mopesi toli pe mosungi. Abengami pe "Molimo ya bosóló" (v13). Pona nini apesamela biso? Molimo Santu aza mosungi na yo (v7). Yesu akokaki kozala kaka na esika moko na mbala moko, kasi na nzela ya Molimo Santu, akoki kozala nà bankamà ya batu na mbala moko. Yango wana ezali malamú ete Yesu azongaki na lola (v7).

Asalaka nini? Akoki kondimisa ba oyo baza bakristu te na kopesa mukongo na masumu na bango pona kotala Nzambe (v8-10). Asungaka biso to sosola bosóló ya Biblia (v13). Apesaka biso posa na Nzambe pona biso (v14). Akambaka biso na kosanjola pe konkembela Yesu (v14). Apesaka biso nzela ya kobika Ngolu kitoko ya Nzambe (v15).

Yango wana koyeba pe kotosa Nzambe ekoki kosalama te soki na Molimo Santu te! Matondo na Nzambe pona likabo pe moninga kitoko oyo!

Nini na koki kosala?

Na lolenge nini ozalaki na boyebi ya mosala ya Molimo Santu kati na bomoyi na yo? Bondela pe senga na Molimo Santu mosala na ye ya koleka na bomoyi na yo.

Olingi oyeba ya koleka?

Ezekiele 37:1-10 epesi yo elili ya nguya ya mbano ya bomoyi ya Molimo Santu likolo ya bandimi. Tala pe Yoane 14:16-17

NINI EZA EPIMELO OYO ELANDI?

Boyeyi malamú na ndaku. To bondeli pona omiyokaka kaka lokola na ndaku tango ozali esika nyonso ya eklezia na biso. Sangana na biso mikolo ya Eyenga nyonso pona okola na kondima pe kimoninga.

MOKOLO 4: EKULUSU

Na Etumba ya mokili mobimba ya mibale, bosangani ya batu na mayele moko bazalaki kosala bombe atomique. Moko ya babongisi mituka akweyisaki fongola moko na masini radioactive moko. Na koyeba ete ekosala ete bombe epanzana na tango mukie, moko ya batu na mayele akomaki pe akangaki fongola wana. Abikisaki bomoyi ya batu nyonso, kasi abungisaki bomoyi na ye moko likolo ya kopanzana pe baradiation. Ezali lisolo moko ekokani na sango ya ekulusu, wapi Yesu akufaki pona masumu na biso po esengama na biso to sala yango te.

Biblia ezo tangisa nini?

25 Ezalaki na ngonga ya libwa ya tongo, tango batie ye na ekulusu. 26 Ba komaki tina ya likambo oyo ba bomelaki ye na mwa libaya boye: "Mokonzi ya Bayuda." 27 Batie lisusu bamiyibi mibale na baekulusu esika moko na Yesu, moko na liboko na ye ya mobali, mosusu na liboko na ye ya mwasi. 29 Bato oyo bazalaki koleka esika wana bakomi kofinga ye pe koningisa motô, balobi: "Ee, yo mutu olobaki ete okoboma Ndako ya Nzambe pe okotonga yango lisusu na mikolo misato! 30 Omibikisa yo moko, kita na ekulusu!" 31 Bakonzi ya banganga-Nzambe na balakisi-Mibeko bazalaki koseka Yesu kaka ndenge wana, ba bandi kolobana boye: "Abikisaki batu misusu, kasi ye moko akoki komibikisa te! 32 Soki azali Masiya, mokonzi ya Israel, akita sik'oyo na ekulusu po to mona, bongo to ndima!" Bamiyibi mibale oyo batiaki na ekulusu pembeni ya Yesu, bango pe bafingi ye. 33 Ekomi midi, molili ekwei na mokili mobimba ti na ngonga ya misato ya pokwa. 34 Bongo ekomi ngonga ya misato, Yesu agangi na mongongo makasi penza: "Eloi, Eloi, lema sabaktani?" Elingi koloba: "Nzambe na ngai, Nzambe na ngai, po na nini otiki ngai?" 35 Bato mosusu oyo bazalaki wana, bayoki ye pe balobi: "Yoka, azali kobenga mosakoli Eliya!" 36 mutu moko akeyi mbangu kotondisa linuka na vinu ya ngayi, akangisi yango na songe ya nzete, apesi yango na Yesu po amela. Bongo alobi: "Zela to tala soki Eliya akoya kolongola ye na ekulusu." 37 Kasi Yesu agangi makasi penza koleka, pe akati motema. 38 Bongo elamba monene oyo ezalaka na Ndako ya Nzambe, na liboso ya Esika eleki bosantu, epasuki na biteni mibale, banda na likolo ti na se. 39 Kaka na tango wana mokonzi ya basoda oyo atelemaki liboso ya Yesu, amoni ndenge akataki motema sima ya koganga, alobi: "Ya sôló, mutu oyo azalaki Mwana ya Nzambe." Marko 15:25-39

Elakisi nini pona ngai?

Yesu akufa liwa moko ya somo pe ya sembo te na misu ya batu nyonso. Kasi eloko moko emonanaka te pe ya mabe koleka ekomaki. Ye, oyo azanga lisumu, abikaki etumbu oyo ebongokaki na lisumu na biso po to limbisama. Yango wana amiyokaki ya kotikama na Tata na ye (v34). Tango "apemaki pema na ye ya suka", elamba ya tempelo ekatanaki na mibale yango moko (v38). Elakisi nini? Yambo makasi Yesu aya, Bayuda ba tongaki tempelo moko. Nzambe azalaki kovanda wana, na Esika Eleki Esantu. mutu moko te akoki kokota na kati longola nkumu motumbi mbeka mbala moko na mbula. Ezalaki kozongisa na makanisi ya batu ete masumu na bango ezalaki siki siki pe ekabolaki bango na Nzambe. Kasi tango Yesu akufaki, elamba ya tempelo ekatanaki na ndenge ya kokamwa. Wana elakisi ete efelo kati kati ya basumuki (eza biso) na Nzambe ebukanaki na mbeka ya Yesu! Ekuke eza sik'oyo ya kofungwama po to bika pene pene na Nzambe, ata masumu na biso elekà, oyo eza sik'oyo ya kolimbisama.

Sango malamau nini oyo! Yesu azo pesa bonsomi na komipesa etumbu pe boyokani ya pene na Nzambe. Ya sôló, wana etali biso kaka soki to yambi bolimbisi na ye oyo esombamà na makila pe soki to koti na ekuke, na kotia kondima na biso na Yesu pe na ekulusu.

Nini na koki kosala?

Otia kondima na yo na liwa ya Yesu pe bolimbisi ya masumu na yo? Obika mobimba ya lisekwa na ye?

MOKOLO 5: KONDIMA NA YESU KAKA

Elenge mwasi moko alongaki kopusana pene ya Nzambe. Butu moko, Nzambe apesaki ye ndoto moko. Na kati ya ndoto wana, alingaki amata ngomba moko ya likolo po akoma epayi ya Nzambe na songe ya ngomba. Amekaki, amekaki kasi akoki kokoma na songe ya ngomba te. Ya kolemba pe nà mawa, azalaki pene ya kotika pe ya kokita.

Sima amonaki trampoline moko na se ya ngomba. Amitikaki pe, na kodenda likolo ya trampoline, akitaki na likolo ya ngomba nà Nzambe. Ndenge nini kopusana pene ya Nzambe? Kende. Pe mibwaka.

Biblia ezo tangisa nini?

1 Yesu abakisi alobi: "Bo zala mitema likolo te. Bo ndima Nzambe, bo ndima pe ngai. 2 Na ndako ya Tata na ngai bisika ezali mingi; nakeyi kobongisela bino yango. Soki ezalaki bongo te, mbele na lingaki kolobela bino yango te. 3 Bongo, soki nakeyi kobongisela bino esika, nakoya lisusu kokamata bino, po bino pe bo zala esika ngai na zali. 4 Boyebi esika ngai nakokende, pe boyebi nzela na yango." 5 Toma alobi na ye: "Mokonzi, esika yo ozali kokende, biso to yebi yango te. Ndenge nini to koki koyeba nzela?" 6 Yesu alobi na ye: "Ngai na zali nzela, na zali sóló, pe nazali bomoyi. mutu moko te akoki kokende epayi ya Tata soki aleki epayi na ngai te. 7 Soki bo yebaki ngai, mbele bo lingaki koyeba pe Tata na ngai. Banda sik'oyo boyebi ye, pe bo moni ye." 8 Filipe alobi na ye: "Mokonzi, lakisa biso Tata, bongo tokoluka eloko mosusu te." 9 Yesu azongiseli ye: "Filipe, banda kala na zali na bino, bongo oyebi ngai te? mutu oyo amoni ngai amoni pe Tata. Ndenge nini olobi: 'Lakisa biso Tata?' Yoane 14:1-9

Elakisi nini pona ngai?

Tokoki te kokoma pene ya Nzambe na komata ngomba nà makasi ya makanisi na biso to ya makambu ya Nzambe. Yesu aye pona kokangola biso na lokuta oyo tokoki komikangola biso moko te. Tokoki ko kokoma pene ya Nzambe kaka na nzela ya kondima na Yesu pe na kufa na ye pona masumu na biso (v16). Pona nini eza na biyamba ebele na mokili? Eyano: Yango nyonso eza babomeki ebele ya kokoma pene ya Nzambe na nzela ya makasi. Kiboboudda eza na nzela ya libua. Islam eza na mibeko mitano. Hindouisme eza na karma. Kiboyuda eza na Torah. Ata ko biyamba oyo nyonso epesaka biteni ya bosóló pe kitoko oyo esengeli elingama, ezo loba na lokuta ete tokoki kolonga nzela na biso epayi ya Nzambe. Bango nyonso bazo tanda "ematelo" moko ti na Nzambe.

Eloko nini ekomisaka Kibokilstu ye moko? Eyano: Ata soki eyamba eza bomeki ya batu pona kokoma epayi na Nzambe, Kibokilstu eza bomeki ya Nzambe pona kokoma epayi ya batu. Lokola tokoki te kokoma epayi na ye na nzela ya makasi na biso, ye ayaka epayi na biso wana tango to ndimeli ngolu na ye oyo tobongi na yango te! kristu aza lokola "trampoline" moko ya ngolu. Na kotia kondima na Christu, to koki kolonga mitema ebulungamà (v1), bobangi liwa (v3) pe kozanga koyeba nani sóló Nzambe azali (v7).

Na Yesu kaka, to koki komona nzela, bosóló, bomoyi ya sóló sóló pe boyokani ya mutu ye moko nà Nzambe lokola Tata na biso (v6). Ngolu monene nini oyo!

Nini na koki kosala?

Otikaki kondimela makasi na yo moko pona kozua bondimami ya Nzambe? Sik'oyo ozo tia kondima na trampoline ya Yesu kaka, na ngolu na ye oyo mutu abongi na yango te, pona bondimami na yo epayi ya Nzambe? Eza na eloko moko ezo telemela yo po omibwaka te?

Olingi oyeba ya koleka?

Tala Ba Efezo 2:8-10 pe Ba Roma 10:2-4 pona komona lolenge nini eyamba pe misala malamu ekoki kobikisa biso te, kasi ngolu ya Nzambe ekoki kosala yango.

MOKOLO 6: EKULUSU

Tata moko ya Espagnol alingaki sala boyokani na mwana na ye moko oyo akimà na Madrid. Abimaki pe alobi na mokanda ya basango El Liberal: "Paco, kutana na nga na Hotel Montana na kati kati ya mokolo, Mokolo ya mibale. Nyonso elimbisami. Papa." Paco eza kombo moko ya batu ebele na Espagne, pe tango Tata wana akendaki na hôte, akutaki bilenge mibali 800 nà kombo ya Paco ozo bazalaki kozela ba Tata na bango. Na kati na biso, to zalaka biso nyonso na posa ya ndaku moko esika wapi tolingamà nà mibeko te. To tala na mpano ya ngolu ya Nzambe pona biso:

Biblia ezo tangisa nini?

11 Yesu alobi lisusu: "mutu moko azalaki na bana mibale ya mibali. 12 Mwana ya leki alobi na tata na ye: 'Tata, kabola bomengo na yo, pesa ngai oyo ya ngai ndambo.' Bongo tata wana akaboli bomengo na ye na bana na ye mibale. 13 Mwana ya leki, awa azui oyo ya ye ndambo, ateki yango, pe sima ya mwa-mikolo akeyi na mboka moko ya mosika. Kuna asali mobulu, pe abebisi mbongo na ye nyonso. 14 Tango atikalaki maboko pamba, nzala mingi ekoti na mboka wana, pe abandi kokelela. 15 Akeyi koluka mosala epayi ya mutu moko ya mboka yango, pe ye atindi ye na esobe po na kokengela bangulu. 16 Azalaki na posa kutu ya kolia bambuma oyo bangulu ba zalaki kolia, kasi mutu moko te apesi ye yango. 17 Bongo abandi kokanisa pe amilobeli: 'Basali nyonso ya tata na ngai ba zali kolia ndenge ba lingi, kasi ngai awa na zali kokufa na nzala. 18 Nakozonga epayi ya tata na ngai pe nakoloba na ye: Tata, na salaki mabe na miso ya Nzambe pe na miso na yo. 19 Kozua ngai lisusu lokola Mwana na yo te, kasi kamata ngai lokola mutu na yo ya mosala.' 20 Bongo asimbi nzela pe azongi epayi ya tata na ye. "Tango azalaki nanu mosika, tata na ye amoni ye pe ayoki mawa mingi penza, bongo akeyi mbangu koyamba ye. 21 Mwana alobi na ye: 'Tata, na salaki mabe na miso ya Nzambe pe na miso na yo. Kozua ngai lisusu lokola mwana na yo te.'

22 Kasi tata na ye alobi na basali na ye boye: 'Bo mema noki bilamba oyo eleki kitoko, bo latisa ye yango. Bo tia ye mpete na mosapi pe bo latisa ye sapatu. Luka 15:11-22

Elakisi nini pona ngai?

Lisumu ekabokala biso nà Nzambe oyo alingaka biso (v13). Na suka ya nyonso, esalaka biso pasi ndenge moko nà Nzambe (v14, 15). Kasi tango pona kozonga ndaku ekotikalaka kozala ya koleka te. Soki to zongi milimo na biso, to pesi mokongo na masumu na biso, pe to tie kondima na biso na Nzambe (v17-20), wana to koyamba nà mawa, nà maboko ya kofugwama, nà ngolu, nà esengo pe mapamboli (v20-25). Lisolo oyo eza elili moko ya kokamwa ya lobiko pe ya boyokani oyo Nzambe alingaka kozala nà na biso.

Lisolo mosusu yango oyo. Tata moko, na bozongi na ye na boutique na ye, akuti mwana na ye nà selo na munoko. Amekaki kobangisa ye pe kobondela ye asanza yango kasi aboyaki, po azalaki kolinga makasi elengi na yango. Na sima ya wana atandi ye miliki ya libanga oyo asombelaki ye pe na mbala moko asanzaki selo. Tango Nzambe ayebisaka biso to tika masumu pe to landa ye, eza te po alingi alongola biso elengi na biso. Eza po aza na eloko ya malamu koleka pona biso. Azo pesa biso bolimbisi, bomoyi ya seko pe boyokani ya mutu ye moko nà ye.

Nini na koki kosala?

Ezali na lisumu to pasi moko oyo eza telemela yo po ozonga epayi ya Nzambe te? Kolandisama na lisolo ya Luka, na nini Nzambe akeseni na Tata na yo ya mabélé?

Olingi oyeba ya koleka?

Tala Ba Efezo 2:1-10 pona boyebi ya koleka na oyo etali oyo to bikisami pe na nini to bikisami.

MOKOLO 7: LISEKWA

Mutu moko ya pene na yo esi akufà? Soki eza bongo, oko yeba lolenge kani kufa eza mawa pe ya mbala moko. Na bosóló, eza na eloko moko oyo to koki kozala na kondimisama: To kokufa biso nyonso. Tango baninga ya Yesu ba monaki ye kokufa liwa moko ya somo, ba zalaki motema ya kopanzana. Eza po ba bosanaki ete alakaki bango ete akozonga Esi omitunà soki Yesu aza kaka na bomoyi, soki kibokristu eza solo pe soki eza na bomoyi na sima ya liwa? Likambu moyo ya kokamwa na lisolo ezo pesa eyano na mituna na bino nyonso.

Biblia ezo tangisa nini?

1 Mokolo ya Kopema esili, na tongo penza, Maria ya Magdala nà ndoyi na ye, mama na Jake nà Jozef, bakeyi lisusu kotala kunda. 2 Na mbala moko mabélé ebandi koningana makasi. Anjelu ya Nkolo awuti na Likolo aye kolongola libanga pe afandi likolo na yango.

3 Elongi na ye ezalaki kongenga lokola moyi, pe bilamba na ye ezalaki pembe penza.

4 Basoda bayoki somo pe babandi kolenga; ba komi lokola bato bakufi. 5 Anjelu alobi na basi:

“Bo banga te, nayebi ete bo zali koluka Yesu oyo ba bomaki na ekulusu. 6 Azali awa te! Asi asekwi ndenge alobaki. Bo ya kotala esika nzoto na ye ezalaki. 7 Bo kende noki koyebisa bayekoli na ye ete: ‘Asi asekwi, pe sik’oyo akeyi liboso na bino na Galilé; bokomona ye kuna. Wana ezali sango na yeli bino.” 8 Batiki kundanki, ba zalaki kobanga mingi, kasi mitema na bango etondaki na esengo; pe bakeyi mbangu po na koyebisa sango yango na bayekoli ya Yesu. 9 Na mbala moko Yesu aye liboso na bango pe alobi: “Mbote na binol!” Bango bapusani pene pene na ye, bafukami pe basimbi makolo na ye. 10 Bongo Yesu alobi na bango: “Bo banga te; bo kende koloba na bandeko na ngai ba kende na Galilé: bakomona ngai kuna.” Matayo 28:1-10

Elakisi nini pona ngai?

Lisekwa elakisi nini pona biso? Elakisi ete ya sóló Yesu aza Nzambe. Yango wana basi basanjolaki ye (v9). Yango wana bazalaki makasi ya kolobela yango na batu nyonso (v10). Elakisi ete Kibokristu ezali ya sóló. Josh McDowell, mutu moko oyo andimaka ete Nzambe azalaka te, amekaki mukolo moko kotalisa ete lisekwa ya Yesu esalamà te, kasi na sima ya komaniola bitalisi ya lisolo, andimisamaki na mobimba na ye ete esalemaki ya solo. Akomaki mokristu pe akomà buku moko eyabanà makasi The Resurrection Factor oyo etalisaka yango lokolo bosolo ya lisolo. Yango elakisi ete to koki kondimisama na bomoyi ya seko. Lolenge moko Yesu abikaki koleka liwa, alaki ete tokozua bomoyi ya seko soki tozo ndimela ye. Yango elakisi ete Yesu aza na bomoyi. Yango ekesanisi Yesu nà bakeli ya biyenga misusu. Kaka aza na nduka te! Elakisi ete to koki kopambolama. Yesu alobaki pona kotatola lisekwa na ye: *“Ondimi po omoni ngai? Esengo na bato oyo bakondima, ata bamoni na miso te.”* (Yoane 20:29)

Nini na koki kosala?

Lisekwa elakisi nini pona yo?

Olingi oyeba ya koleka?

Tala 1 Ba Korentia 15:12-22. Tanga Emoniseli 1:9-18 pona komona mosekwi mbunzu na mbunzu.

MOKOLO 8: KOLANDA YESU

"Sala yango kaka" Eza maloba ya motema ya Nick, kasi ezali bontindiki ya ekeke na biso. Lelo, ba nkoto ebele ya batu bazo mibenga bakristu, bazo "Sala yango kaka te". Bazo luka oyo eleki te pe bazo tosa te Nzambe oyo ba lobaka bandimela. Bakristu ya liboso bazalaki kobengama bakristu te, kasi bazalaki kobengama bayekoli pe balandi ya Yesu. To tala mua batu oyo ba zua mbano ya mbala moko ya kolanda ye pe basalà yango.

Biblia ezo tangisa nini?

17 Banda tango wana Yesu abandi koteya boye: "Bo bongola mitema, pamba te Nzambe alingi kotia bokonzi na ye sik'oyo." 18 Tango Yesu azalaki kotambola pene pene ya laki ya Galilé, amoni balôbi-mbisi mibale, kulutu nà leki, Simon (oyo ba bengaka Petelo) pe ndeko na ye André, ba zalaki kobwaka monyama na mayi. 19 Yesu alobi na bango: "Bo landa ngai. Bo kozala lisusu balôbi-mbisi te; nakokomisa bino balôbi ya batu." 20 Na mbala moko ba tiki minyama na bango pe ba landi Yesu. 21 Tango Yesu alongwe wana, amoni lisusu batu mibale, kulutu nà leki, Jake nà Yoane, bana ya Zebedé. Ba fandaki na kati ya buatu esika moko nà tata na bango Zebedé, pe ba zalaki kobongisa minyama. Yesu abengi bango.

22 Na mbala moko batiki buatu nà tata na bango, pe balandi ye. 23 Yesu atambolaki na Galilé mobimba. Azalaki koteya na bandako ya lisanga, pe kosakola Sango Malamu 'ete Nzambe akotia bokonzi na ye na mokili. Bongo abandaki pe kobikisa bato nyonso oyo ba zalaki na maladi ya ndenge na ndenge. Matayo 4:17-23

Elakisi nini pona ngai?

Elakisi makambo motoba: 1) Zala na kobanga liboso ya buanya pe makasi na ye. Soki te, pona nini batu oyo balandaki ye na lombangu bongo (20)? Yesu aza na buanya pe nguya oyo toza na yango bosenga po to bika bomoyi na malamumu na yango koleka. 2) Banda boyokani ya yo moko nà ye. Bokutani oyo ezalaki ebandeli ya kimoninga ya libela pona batu oyo. Yesu alingi pe azala moninga na yo. 3) Mekola ndakisa na ye. Na sima, batu balobelaki boni boni batu oyo bazalaki kotalisa Yesu na bomoyi na bango (Tala Misala 4:13). Yesu alingi pe azali na makoki ya kokokanisa biso pe nà ye. 4) Ndimba pe tosa matangisi na ye. Bayekoli ba landaki matangisi na ye na siki siki. Yango esimba lolenge na bango ya kobikela (v17-23). Malakisi ya Yesu ekoki pe komema biso na kokanisa na ndenge ya malamumu pe na kobika na bolingo. 5) Landa ye na etinda na ye ya kosimba batu. Alakaki Petelo na Andele ete akosalela bango po abongola bomoyi ya basusu (v19). Elaka oyo etali pe biso.

6) Pesa ye bosembo na yo oyo ya monene koleka. Ba tikaki mosala pe libota na bango mbala moko (v22). Nyonso oyo tozo tika eza eloko te liboso ya oyo tozo zua. Ekateli ya motuya koleka oyo to koki kozua eza "kosala yango kaka" pe kolanda ye.

Nini na koki kosala?

Ozui ekateli ya kolanda Yesu? Soki te, pona nini te? Nini na bitalisi motoba ya kolanda Yesu ezo lobeba koleka?

Olingi oyeba ya koleka?

Tala Luka 5:1-11 pona ndimbola ya mulayi ya eteni ya lisolo oyo.

MOKOLO 9: BOZUI YA LIBANDA

Ka letsatsi le leng monna e mong o kile a tsamaya ka sekepe lewatlang. O ne a khona feela ho mutu moko na kala atambolaki na mbu likolo ya buatu. Akoki komisombela billet te yango tango batu nyonso bazalaki kokende kolia, azali ye moko, koliaka lipa epolà. Tango ba komaki na ekomelo, motambwisi a tunaki ye: "Pona nini otikalà koya te na tango ya kolia? Ezalaki na kati ya motuya ya billet". Lisolo oyo ekanisisi biso batu ebele oyo bakanisaka ete kondimela Yesu epesaka kaka billet moko pona lola. Kozala mokristu elakisi ete to zali pe nà bambano ya minene na bomoyi oyo.

Biblia ezo tangisa nini?

14 Baoyo nyonso Molimo ya Nzambe atambwisaka, ba zali bana ya Nzambe.

15 Bo tika kobanga, pamba te bozui Molimo ya Nzambe. Ye akomisi bino bawumbu te kasi bana ya Nzambe. Ye pe mutu apesaka biso nzela ya kobenga Nzambe: "Ába! Tata!"

16 Ya sóló, ndenge mitema na biso ezali kondima ete to zali bana ya Nzambe, Molimo ya Nzambe ye penza azali koloba se ndenge moko. 17 Pe soki to zali bana, tokozua pe bomengo oyo Nzambe abombelà bana na ye. Tokozua yango na lisanga na kristu, pamba te lokola to zali komona pasi ndenge moko na ye, tokozua pe lokumu esika moko nà ye. Ba Roma 8:14-17

Elakisi nini pona ngai?

Soki to ndimeli pe to landi Yesu, nini ekomaka? To yambaka Molimo Santu (v14). Azali bozalisami na Nzambe oyo eyaka kobika kati na biso. To zuaka nkombo ya sika na kozala muana pe mokitani ya Nzambe (v14). To zali na kobanga lisusu te kobuakama na Nzambe. To yebe nani to zali po to yebe ya nani to zali. To zuaka libengami moko ya kosepela na Nzambe lokola Tata na biso ya bolingo (v15). To koki sika oyo kokangama nà ye lokola Abba (oyo elakisi "Tata"). To zuaka elaka ete Nzambe akokitàkà kolinga biso soko mokie te, ata nyonso ekokoma(v35-39). Eza bikala ya kokamua. Kasi na mawa nyonso, ba kristu ebele ba bosanaka yango pe ba ndimelaka yango na pasi. Koyeba esali ye apanza mapapu na ye pe apumbua pona mbala ya liboso! Ekokani na lisóló ya muana ya libata ya elongi mabe oyo azalaki kokokana te nà mabata misusu, kino ayeba ete azalaki ya sóló cygne ya kitoko. To salela ticket ya kolia pe to banda kolia na mesa ya Nzambe. To salela mapapu na biso pe to banda kopumbua na kolandisama ya bilaka ya Nzambe pona biso.

Nini na koki kosala?

Ondimelaka bilaka oyo? Kondima na yo efandisamà likolo ya baposa na yo oyo ebongwanaka to likolo ya bosóló ya Liloba na Nzambe oyo eninganaka te?

Olingi oyeba ya koleka?

Tanga Ba Efezo 3:14-19 pona oyeba ya koleka na oyo etali bolingo na Nzambe.

NINI EZA EPIMELO OYO ELANDI?

Osali na lisangà? Masangà ezali na bopete nyonso esika moko oyo okokuta baninga pe kokola elongo. To ndimisami ete bomoyi eza MALAMU KOLEKA ELONGO pe ete bomoyi ya sóló ebongwanaka na bisika pe na baboyokani. Toko zala na esengo soki omoni lisanga na yo, yango yaka kotala biso na stand ya masangà / salon ya boyambi eyenga oyo to pe tala page Groupe na biso na www.hillsong.com/southafrica.

MOKOLO 10: BIBLIA

Nzambe akomà Biblia te. Kasi apemà yango na bakomi 40, na kati ya banani moyembi moko, mokonzi moko, mobateli bampate moko, monganga moko, mokongoli mpako moko pe molobi mbisi moko, oyo bakomà babuku ekesanà na bambula 1600. Boyokani ya Kala (Babuku 39) ekomamà liboso ya boyeyi ya Yesu. Boyokani ya Sika (Babuku 27) ekomamà na sima ya boyeyi na ye. Nzambe alandelaki ete bazalaki kokoma oyo alingaki basala pe ete yango ezalaki na bosóló na oyo etali nani Nzambe azali, nini asalà pe azo sala lisusu,pe ndenge nini kozala na boyokani nà ye. Mokili ya lisóló ya Biblia ebongwama, kasi sango na yango ezo tikala sóló pe makasi lelo koleka ndenge ezalaki liboso.

Biblia ezo tangisa nini?

9 Ndenge nini elenge akoki kobongisa ezaleli na ye? Ezali bobele soki atosi maloba na yo.

10 Na zali koluka yo na motema moko; kotika ngai na bosana mitindo na yo te. 11 Na bombaka

maloba na yo na motema na ngai, po na sala masumu na miso na yo te. 12 Matondi na yo,

Yaweh, po oteyaka ngai mibeko na yo. 13 Na lobaka tango nyonso, ndenge yo okataka

makambo. 14 Kolanda mitindo na yo epesaka ngai esengo, koleka mutu oyo azui bomengo

mingi. 15 Na kanisaka mitindo na yo; pe na talaka banzela na yo. 16 Mibeko na yo ezali esengo

na ngai; na koki kobosana maloba na yo te. 17 Na zali mosali na yo, salisa ngai, po na zalaka

malamu pe na batelaka maloba na yo. 18 Fungola ngai miso, po na mona makambo ya kokamwa

ya mibeko na yo. 19 Na zali bobele mopaya awa na mokili; kobombela ngai mitindo na yo te. 20

Motema na ngai emipesaka mobimba, po na kokisa makambo yo okanaka. 21 Otiaka batu ya

lolendo panzi likolo, po ba landaka mitindo na yo te. Banzembo 119:9-21

Elakisi nini pona ngai?

Pona nini kowumela na kati Biblia? Ezo batela biso peto (v9) pe nà masumu te (v11). Ezo

memela biso esengo (v14) pe kokamwa (v18). Ezo lesa milema na biso, lokola mafuta ya nzoyi

elesaka banzoto na biso (v103). Ezo kamba biso na kozua bikatelo, lokola nzela ememaka biso

tango tobungi (v105). Epesaka biso bososoli (v104). Ndenge nini kowumela na kati ya Biblia ?

Tosa yango (v9). Kanga biteni na yango (v11). Loba yango na mungongo ya likolo na yo moko to

na basusu (v13). Linga yango (v14). Kanisa yango mingi mingi kino kino ekoma moko nà yo

(v15). Komona yango pamba te (v16). Senga na Nzambe afungola miso na yo tango ozo tanga

pe ozo yoka yango (v16). Zala na nzala na yango (v20). Zala na komikitisa pe na lolendo te tango

ozo zua yango (v21). Mona elengi kati na yango (v103). Ekoki te kaka kowumela na liloba na

Nzambe pe kozua boyebi. Liloba na Nzambe esengeli ekota kati na biso kino to zala ya

kobongolama. Mbala nyonso okotanga yango to okoyoka yango, senga na Nzambe alobela yo

na nzela na yango.

Nini na koki kosala?

Eteni nini ya Biblia esalà kino lelo na bomoyi na yo? Ndenge nini okoki kozua ya koleka ya Biblia kati na yo?

Olingi oyeba ya koleka?

Tala Yoshua 1:2-9 pe 1 Timote 3:14-17 Pona koyeba ya koleka. Tuna epayi ya mutu moko ya lisangà na yo na oyo etali Etangelo na biso ya Butu ya kokamwa, oyo ekosunga yo omizindisa na liloba na Nzambe.

MOKOLO 11: EKLEZIA

Soki ozui eteni libaya etumbamà na môtô, ekokufa noki. Eza na posa ya biteni misusu ya libaya po akoba kozika makasi. Ndenge moko, bolingo na biso pona Nzambe ekufaka soki to meki kolanda Yesu biso moko pe to kangami te nà Eklezia moko oyo elingi Yesu. Na lola, bamama ya likambu etalaka politiki te pe batu bayebana na etando ya cinéma te. Ba lobelaka oyo ezo komela Eklezia na Nzambe na mokili. Eklezia eza libota na Nzambe. Ebikaka po etalisa ye pe sango na ye na kati ya lisangà esika wapi to zali. Eza ndaku te to mayangani te. Eza batu. To zalaka kaka ya Nzambe te, kasi pe ye bamoko pe misusu. Bomoyi ya bokristu etalaka bomoko. Ba pesaka nzela te na nba Rangers baza bango moko! To buaka lisu na Ekelzia na malamumu na yango:

Biblia ezo tangisa nini?

41 Bongo ba batisaki batu oyo ba ndimaki maloba ya Petelo. Mokolo wana batu 3000 ba yaki kobakisama na Eklezia ya bandimi. 42 Ba zalaki kosala makasi po na koyoka mateya ya bantoma, pona kozala lisanga lokola bandeko, pona kolia esika moko pe kosambela. 43 Bantoma bazalaki kosala makamwisi mingi, bongo batu nyonso ba zalaki komona ete Nzambe azali nà bango. 44 Bandimi nyonso ba zalaki kofanda lisanga moko. Ba zalaki kosangisa bomengo na bango esika moko. 45 Ba zalaki koteka mabélé na bango nà biloko na bango. Bongo ba zalaki kokabola mbongo nà batu nyonso ndenge posa ya mutu na mutu ezalaki kosenga. 46 Mikolo nyonso ba zalaki kosangana na Ndako ya Nzambe, pe kolia esika moko na bandako na bango, na esengo pe na boboto. 47 Ba zalaki kokumisa Nzambe, pe batu nyonso ba bandaki kolinga bango. Mokolo na mokolo Nkolo azalaki kobakisa na Eklezia na bango bato oyo ye alingaki kobikisa. Misala 2:41-47

Elakisi nini pona ngai?

Lisololo oyo elobeli biso lolenge nini kozala Eklezia. Mibonzà na kotangisama pe kobika liloba na Nzambe. Sala nyonso oyo okoki pona kososola malamumu malamumu pe kotosa liloba na Nzambe elongo. Tonga ba boyokani ya makasi. Kokende kaka na bamayangani te; kota na bandako pe bomoyi ya moko na moko. Bokata lipa elongo. Bolia lipa pe vino/masanga ya sukali elongo, na kokanisakà liwa na Kristu (Tala 1 Ba Korentia 11:23-29). Bobondela pe bokumisa Nzambe elongo. Bopusana pene ya Nzambe elongo, na kozelakà ete amonisa yo ya koleka na oyo etali ye moko pe banzela na ye. Bosungana bamoko pe basusu. Bo meka kosungana, mingi mingi soki bozo nyokuama. Bo benda bapaya. Kobomba Nzambe pona biso eza likunya, na yango kabola kondima na yo nà basusu, na kobengakà bango ba ya na bamayangani misusu. Kotika te. Eklezia nyonso eza lisanga ekoka te ya batu basanganà na mûtû ekokà. Yesu. Azo pesa biso ngolu ya kotshola bakambi pe bamoko na basusu. Alingi to zala na kati ya eyano, ya likamà te.

Nini na koki kosala?

Oza na likambu nini na Eklezia? Oyebi Eklezia moko oyo ezali ndenge wana na lolenge moko? Eloko nini epekisi yo kokota na kati?

Olingi oyeba ya koleka?

Tala Ba Ebelo 10: 24 pona koyeba ya koleka. Tala 2 Timote 4:2-5 Pona makebisi na oyo etali likamà oyo baeklezia batangisaka mabungi. Pona kososola na tina nini bakristu ba zalaki kokata lipa elongo, tanga 1 Ba Korentia 11:23-29.

MOKOLO 12: LOSAMBO

Ba lobi ete bavandi ya mboka ya Soudan nyonso oyo babongwanà na kibokristu ba zua ekateli ya kosambela mikolo nyonso. Moko na moko azalaki na esika ya mopanzi na zamba wapi azalaki kosopa motema na ye na Nzambe. Na koleka ya tango, banzela oyo ememaka na bisika wana ekomaki ya kobeba. Na yango, soki moko ya bandimi abandaki komona losambo eloko pamba, yango ezalaki komonana epayi ya basusu na lombango. Ba zalaki kokanisisa na kimia nyonso baye balembi: "Ndeko, matiti ezo bota na nzela na yo".

Biblia ezo tangisa nini?

6 Kasi yo, soki olingi kosambela, kota na ndako na yo, kanga yango, sambela Tata na yo oyo azali komonana yo. Bongo Tata na yo oyo amonaka makambo ebombamà, akopesa yo lifuta. 7 "Tango bo zali kosambela, bo loba maloba mingi te ndenge batu oyo bayebi Nzambe te ba salaka.

Bango ba kanisaka ete Nzambe akoyokela bango soki ba zali koloba mingi.

8 Bo landa bango te. Liboso ete bo banda kosenga ye, Tata na bino asi ayebi eloko nini bo zali na yango posa. 9 Tala ndenge bino bo sengeli kosambela: Tata na biso ya Likolo, kombo na yo ézala na lokumu; 10 bokonzi na yo eya; nyonso yo olingi esalama awa na se ndenge esalamaka na Likolo. 11 Pesa biso lelo bileyi oyo ekoki; 12 limbisa biso mabe to sali yo, lokola biso pe tolimbisaka mabe ba sali biso; 13 kotika Monguna ameka biso te, kasi bikisa biso na mabe. [Po bokonzi, nguya pe lokumu ezali ya yo seko. Amen.]" Matayo 6:6-13

Elakisi nini pona ngai?

Lolenge esengeli to sambela? Longola yiki yiki pe mizindisa na oyo etali Nzambe oyo aza elongo nà yo. Aza na posa ya koyanola na lombango losambo na yo (v6). Komeka te kokamwisa ye nà maloba ya mayele ya eyamba (v7). Talisa litondi na yo, pasi ya motema na yo, posa na yo ya koyeba, bolingo na yo, nyonso. Pona nini esengeli to sambela? Eza na biloko ya ebele koleka oyo esengeli to sambelela: Mizindisa na oyo etali nani Nzambe azali pe lobela ye boni boni olingaka ye. Banza na oyo alingi pona yo pe pona mokili oyo eza nzinga nzinga na yo: Yango benga ye akonza (v11). Senga bolimbisi pona masumu nyonso osalaki (v12). Pesa ye pasi na yo pe limbisa ba oyo basalaki yo mabe (v12, 14). Senga ye libateli pona momekano nà diabulu (v13). Tango nini esengeli to sambela? "Sambela tango nyonso"(1 Ba Thesalonika). Okoki kolobela Nzambe nà kokata te. Leka na batango oyo azalaka lokola azo yoka te. Azali. Ya koleka, yeba ete nyonso ozo senga eza kaka ya motuya te to ebongisami pona kozua te. Zala na motema ya kozela. Senga na Molimo Santu asunga yo na kosambela. Wumela ya kokangama na ye.

Nini na koki kosala?

Ndenge nini osambelaka? Ndenge nini okoki kokomisa bomoyi na yo ya losambo kitoko koleka pe ya bosóló koleka? Pona nini te komeka kotanga Banzembo 42 na mongongo ya likolo epayi na Nzambe, na kosalakà libondeli na yo epayi ya Nzambe?

Olingi oyeba ya koleka?

Tala Jake 4:2 pe Matayo 26:42 pona komona pona nini mabondeli misusu eyanolamaka te.

MOKOLO 13: MBUMA YA MOLIMO

Tango ba tunaki Michel-Ange lolenge nini asalaki ekeko na ye ya Dawidi, alobaki: "Na talaki na kati ya libangà pe na longoli kaka biteni oyo ezalaki ya Dawidi te". Nzambe azali mosali bikeko na biso. Alingi to koma ya koleka lokola Yesu. Alingi abebisa nyonso oyo eza lokola Yesu te kati na biso. Tango to bikisamaki, to zuaki bopetolami pe bosembo na Yesu, kasi bizaleli na ye te. Yango ezuaka tango, botosi pe lisungi ya Molimo Santu po ekola.

Biblia ezo tangisa nini?

16 Bongo na sengi bino: bo tika Molimo ya Nzambe átambwisaka bomoyi na bino, pe bo boya baposa na bino ya bomoto. 17 Pamba te baposa ya bomoto elukaka makambo Molimo ya Nzambe aboyaka, pe Molimo atindaka makambo motema ya bato eboyaka. Bango mibale bazali banguna; yango wana, bolanda baposa ya bomoto te. 18 Kasi soki Molimo ya Nzambe azali kotambwisa bino, bozali lisusu baumbu ya Mibeko te. 19 To yebi malamumu makambo posa ya bomoto etindaka: kindumba, makanisi ya bosoto pe makambo ya soni, 20 kosambela banzambe ya bikeko, kindoki, koyinana, koswana, zuwa, kanda, kotiana tembe, kokabwana, koboyana, 21 kozala na motema likunya, kolangwa masanga, lokoso ya kolia, pe makambo mosusu ya ndenge wana. Na zali koyebisa bino ndenge na lobaki liboso: baoyo ba salaka makambo wana, bakozala batu ya bokonzi ya Nzambe te. 22 Nzoka nde makambo batu ba salaka na nguya ya Molimo, yango oyo: ba linganaka, ba zalaka na esengo pe kimia; ba kangaka motema, ba salisanaka, ba zali na motema malamumu pe bondeko ya sóló; 23 ba zali na boboto pe bamibatelaka malamumu. Makambo nyonso oyo, Mibeko epekisi yango te. 24 Batu ya kristu Yesu basi bamipesà po ba kufa na ekulusu; boye basi ba bomà baposa pe lokoso ya bomoto. 25 Lokola Molimo mutu apesi biso bomoyi, to tika Molimo pe átambwisa biso. Ba Galatia 5:16-25

Elakisi nini pona ngai?

Yesu azalaki pe azali na bolingo, esengo, kimia, motema ya kozela, malamumu, malamumu, sembo pe nà bokangi nzoto (v22-23). Yango azalaki malamumu pona basusu. Kanisa ete oza nzete oyo ebotaka mbuma. Na kotikalakà pene ya Molimo Santu pe na kotosakà ye (v25), Okomema mbuma ya bizaleli ya Yesu. Oza na posa ya komeka ya kozala malamumu te - Sala kaka makasi pona kotikala pene ya Molimo Santu. Akosala kati na yo pona kotelemisa baposa ya sika ya bopeto nà bolingo, pe koyina ya sika pona masumu oyo, ata soki ezomemela elengi ya mokuse, esalaka yo pasi ya tango molayi pe na basusu.

Kozala bomoko nà Molimo elakisi nini (v25)? Elakisi ete tozo yoka na botosi nyonso mongongo na ye oyo ezo lobela biso na nzela ya Biblia pe boyebi na biso. Soki to mekami, toko tika likebisi na ye ya kimia na motema na biso. Esengeli to tosa ye! Soki to Sali yango, toko kweya na kimia na ye pe esengo na ye. Soki to tosi te, akoyoka mawa (Ba Efezo 4:30). Soki to sumuki, akolendisa biso nà bolingo to senga bolimbisi. Esengeli te to kembisa motema liboso na ye. Mingi mingi tozo tikala na bomoko nà ye, mingi mingi pe bika yango pe mingi mingi to kokokana nà ye.

Nini na koki kosala?

Na epimelo nini oza na boyebi ya mosala ya Molimo Santu kati na yo? Nini na bambuma minei oza na yango bosenga koleka? Sambela pona yango.

Olingi oyeba ya koleka?

Tala Ba Roma 8:28-29; 2 Ba Korentia 3:17-18 pe 1 Timote 4:12.

MOKOLO 14: KONDIMA

Batambwisi pepo tango ba pumbuaka na kati ya mapata ba yokaka tango moko eloko moko ba bengaka "Kizungu zungu". Elakisi ete ba bungisaka komiyeba soki bazo pumbua ti na likolo to ti na se. Ebele, kolandaka boyoki na bango oyo ebongi te pona kotia elikia, ba kweyà na se. Kasi ba tambwisi malamumu ba tiaka elikia na equipment oyo ezo talisa bango na bosóló nyonso na angle nini bazo pumbua. Ndenge moko pe, ebele ya bakristu ba tikaka kondima pona biloko lokola kozanga kondima, komifunda, kobanga pe komitungisa etondi bango. Na batango wana, esengeli to mikebisa na boyoki na biso, kasi kutu to ndimela bilaka pe bosembo ya Nzambe oyo ebongwanaka te pe to yekola kopumua na ekendelo oyo esengeli.

Biblia ezo tangisa nini?

35 Kaka na mokolo wana, na pokwa, Yesu alobi na bayekoli na ye: "To katisa ngambo ya laki." 36 Bongo batiki buatu; pe lokola Yesu azalaki na buatu, bamemi ye. Babuatu mosusu ezalaki pembeni na ye. 37 Mopepe moko ya makasi ebandi koleka, bambonge ebeti, buatu ebandi kotonda na mayi, pe elingi kodinda. 38 Yesu azalaki na suka ya buatu, alali pongi, motô likolo ya kusé. Bayekoli ba lamusi ye pe ba lobi: "Moteyi, to lingi to kufa! Likambo ya boye omoni yango pamba?" 39 Yesu ateleme, agangeli mopepe pe alobi na mayi: "Tika makelele! Fanda nyee!" Bongo mopepe esili pe kimia ezongi penza. 40 Na sima, Yesu alobi na bayekoli: "Po na nini bo zali kobanga boye? Ndenge nini bo zali kaka na kondima te?" 41 Kasi ba zalaki na somo mingi penza pe ba bandi kolobana: "mutu oyo azali nani? Ata mopepe nà mayi ezali kotosa ye!" Marko 4:35-41

Elakisi nini pona ngai?

Yesu azo tia biso na ekendelo moko (v35). Sima na yango, tango tozo tosa ye, mbonge moko eye pe makambu ebaluki mabe (v37). Tango ekomaka, to monaka mingi mingi lokola Yesu azo sala eloko te po asunga biso pe amonanaka lokola azo kipe yango te (v38). Kasi asalaka yango! Banda azua bokambi, alengaka te. Yango wana akokaki kolala. Kozanga kondima na biso epayi na ye esalaka to zala bibanga banga (v40) pe to ndimisamaka te ete akipaka biso ya sóló sóló (v38). Kasi akoki kotaka mbonge na ngonga nyonso. Pona nini asalaka ete mbonge eyela biso? Asalaka yango pona kokolisa kondima na biso kati na ye. Kondima oyo emakamà te eza kondima ya sóló te. Kati ya mbonge nyonso, kanisa ete ngolu na ye ekoki pe ekosimba yo.

Ndenge nini to kolaka na kondima? To mikanisisaka ete Yesu aza nà biso. Azo kipe biso. Pe asalà elakà oyo akokokisa. Aza na nguya ya kobongola makambu nyonso. Kasi ti asala yango, esengeli to ndimela ye. Soki te, boyoki na biso ekotonda biso pe ekozindisa biso. Esengeli ya malamumu koleka to simba bilaka oyo Nzambe asalà biso na liloba na ye. Bilaka lokola " Na kotika bino te mpe na kobwaka bino te " (Ba Ebelo 13:5)

Nini na koki kosala?

Bilaka nini eza na motuya makasi pona yo? Bambonge nini obika? Lolenge nini omemaki yango? Lolenge nini okoki kokolisa kondima na yo na bosembo na Nzambe?

Olingi oyeba ya koleka?

Tanga Ba Roma 4:18-21 pe Ba Ebelo 11:1-12 pona koyeba ya koleka na oyo etali kondima.

MOKOLO 15: KOKABA

Okoki te komona minzoto malamumu malamumu soki oza pembeni ya bamwinda ya makasi. Na lolenge moko, obungaka na bopete nyonso na komibonza na yo na Nzambe pe na kondima na yo tango oza ya kokangama na bongo pe na bambano oyo epesaka. Olotaka ozala na mbongo ya koleka - na kolikiaka ete ekomemela yo biloko malamumu na bomoyi pe bobangi epayi na batu. Soki eza tina moko ya motuya na bomoyi na yo, oza na likamà ya sóló sóló. Esengeli okende mosika ya bamwinda makasi ya mbongo pe biloko, pe omona lisusu nkembo na Nzambe.

Biblia ezo tangisa nini?

5 Batu yango ba tondà na tembe, mayele na bango esi ebebà, ba yebe makambo ya sóló te; ba kanisaka 'ete kotosa Nzambe epesaka bomengo. 6 Tembe te, soki mutu alukaka bomengo ya mokili oyo te, kotosa Nzambe epesaka ye bomengo monene. 7 Pamba te to yaki maboko pamba na mokili, tokozonga maboko pamba. 8 Bongo soki to zali na bileyi pe bilamba, wana ekoki na biso. 9 Kasi ba oyo ba lukaka kozala na mbongo mingi, ba kweyaka na motambu pona baposa na bango ya bozoba pe ya mabe, oyo ebebisaka bato pe ebungisaka bango. 10 Pamba te mabe nyonso ewutaka na lokoso ya mbongo. Likolo na yango batu mosusu ba bungisaki bondimi, pe bamiyokisaki pasi mingi. 11 Kasi yo mutu omipesà na Nzambe, kima makambo nyonso wana. Luka nde makambo ya bosembo, bondimi, bolingo pe boboto; zala mutu ya losambo pe yebaka kokanga motema. 1 Timoté 6:5-11

Elakisi nini pona ngai?

Pona nini kolinga mbongo (pe oyo ekomemela yo) eza likamà? Okoki te komema yango na lola (v7). Eza mosisa ya mabe nyonso (v10). Kolinga mbongo ekomema biso to buka mibeko ya Nzambe na balolenge ebele, po tokosala nyonso pona kozua yango - ata kokosa, kobuka mibeko, koyiba to kosalela baninga na tina na yo moko. Yango ekoki kutu kotinda biso to pesa Nzambe mukongo (v10). Elakaka esengo kasi ememaka pasi, bozangi pe libebi na tango mulayi (v9). Eza ya libela te pe ya tango mukie pe pete na kobungisa (v17).

Ndenge nini to koki kosalela mbongo na lolenge moko oyo ekosepelisa Nzambe? Yebe ete to koki kosepela na mukie makasi (v8). Tia elikia na yo na Nzambe, na mbongo te (v17). Sepela na nyonso oyo Nzambe azo pesa yo, na kotalakà yango lokola likabo malamumu (v17). Senga na Nzambe oyo oza na yango bosenga. Pesa na lolenge ya bolamu nyonso (v18) na batu oyo baza na bosenga pe na eklezia wapi ozalaka, na kolendisaka emoniseli ya eklezia oyo epasamà na Nzambe. Mizindisa na bomengo ya seko oyo ewutaka na botosi Yesu na mokili oyo (v19). Okoki te komema mbongo na lola nà yo, kasi tango ekotisami na kokende liboso ya bokonzi ya Nzambe, okoki kotinda yango liboso na yo. Kokima na sima ya bomengo te. Kutu kima na sima ya Nzambe pe salela mbongo nà nini wapi andimelaka yo na lolenge moko oyo esepelisaka ye.

Nini na koki kosala?

Otiaka kondima na yo na mbongo to na Nzambe? Ndenge nini okoki kosalela malamumu koleka mbongo pe biloko na lolenge moko oyo ezo pesa lokumu na Nzambe.

Olingi oyeba ya koleka?

Tala Malaki 3:6-12; Matayo 6:19-34 pe 2 Ba Korentia 9:6-12 pona koyeba ya koleka.

MOKOLO 16: MOSALA

Ted azalaki mobeti ndembo moko ya makasi oyo azalaki kobeta mabe. Tata na ye atikalà kotala ye te. Mukolo Tata na ye akufaki. Kokamua, abandaki kokoma kobeta malamumu.

Atikalà kozanga na mabongisi te. Tango molakisi na ye atunaki ye eloko nini ebongwanaki, alobaki : "Sik'oyo Tata na nga akufi, tango mususu azo tala nga ndenge nazo beta - Nako tika te". To tanga lolenge nini Nzambe, Tata na biso ya lola, abatelaka biso, pe ndenge nini esengelaki epusa biso na mosala makasi.

Biblia ezo tangisa nini?

17 Makambo nyonso bo salaka to bo lobaka, bo salaka yango na kombo ya Nkolo Yesu; na lisanga na ye, bo pesaka matondi na Nzambe Tata.

Ba Kolosia 3:17

22 Bino bawumbu, na makambo nyonso bo tosaka ba oyo ba zali bakonzi na bino awa na se; ézala bobele te tango ba zali kotala bino. Bo lukaka kosepelisa batu te. Kasi bo tosaka bango na motema moko, lokola batu ba bangaka Nkolo. 23 Misala nyonso oyo bo salaka, bo salaka yango na motema moko lokola nde bo zali kosalela Nkolo kasi bato te. 24 Pamba te, Nkolo akopesa bino lifuta: bokozwa bomengo oyo Tata abombelá bana na ye. Mokonzi na bino penza ezali kristu; bo salelaka ye. 25 mutu oyo asalaka makambo ya mabe, mabe yango ekozongela ye moko. Po Nzambe aponaka bilongi ya bato te. 4 Bino bakonzi, bo salaka makambo ya bosembo pe ya sóló epayi ya bawumbu na bino. Bo yeba ete bino pe bozali na Mokonzi, na Likolo. Ba Kolosia 3:22 - 4:1

Elakisi nini pona ngai?

Na tango wana, ti na kati kati ya mokili oyo eyebanà bazalaki bawumbu. Yango mingi ya bakristu ba zalaki babola makasi. Ba zalaki kobika na nzela ya makabo ya bankolo bazui.

Ba zalaki komiyoka ya kopusama na kosala mosala te. Nà kozanga emoniseli ya mosala na bango, ba zalaki komiyoka lokola ba zalaki kosalela bango epayi ya "bankolo" na bango. Lelo lisusu, mosala pe etinda na biso ekoki kokokana nà bowumbu. Kasi na kozala mokristu, to koki koyekola kosepelisa Nzambe na mosala na biso. Lolenge nini esengeli kosala mosala na lolenge moko oyo ekosepelisa Nzambe? Sala nyonso nà bosungami ya Nzambe pe pona nkembo na Nzambe (v23). Nzambe alingi kosunga yo na kokolisa boyebi na yo pe makoki na yo. Kosala yango pona batu te (v23). Komizindisa te kaka na baposa ya batu (lokola bakonzi, bateyi to batangisi). To bondeli yo, Nzambe nanu. Yango ekopusa yo osala makasi tango mutu te, longola Nzambe, azo tala yo (v22). Tia motema na yo na nyonso ozo sala (v23). Nzela ya elonga eza mosala moko makasi. Kasi, kolekisa mosala esepelisaka pe Nzambe te (tala Banzembo 127:1-2). Sala na ekendelo ya emoniseli moko (v24). Senga Nzambe asunga yo ozua emoniseli moko ya bomoyi na yo pe osala na yango nà buanya. Emoniseli ya monene ekotinda na bambeka ya makasi, oyo ekobongwana na mafuti ya monene. Kolekisa na nguya na yo likolo likolo ya basusu te (4:1). Nzambe alingi bokokani ya bambano pona batu nyonso. Yango wana bakristu ba fongolà nzela pona kosukisa bowumbu wuta kala.

Nini na koki kosala?

Olingi oloba ete oza mosali mosala ya makasi? Lolenge nini okoki komitinda na kosala makasi ya koleka? Soki te, lolenge nini okoki kosala ete osala mosala mingi makasi te?

Pona yo, nini eza bandoto misusu oyo Nzambe apesà yo olanda?

Olingi oyeba ya koleka?

Tala Batoli 5:6-11.

MOKOLO 17: SALA BOKESANI

Pona nini oza na mokili oyo?

Eyano: Kotalisa bizaleli na Kristu pe kosala posa na Nzambe. Soki Kristu aza elikia ya mokili, wana libota na Nzambe eza bapanzi sango pe bandakisa ya elikia yango. Kolanda Yesu elakisi ete to zali na etindà nà Nzambe pona komema bambongwanà na mokili na biso, na kobanda na batu oyo baza nzinga nzinga na biso.

Biblia ezo tangisa nini?

11 “Esengo na bino soki ba fingaka bino, soki ba nyokolaka bino po bo zali bayekoli na ngai, soki ba koselaka bino makambo ya ndenge na ndenge. 12 Bo sepela! Bo zala na esengo, po lifuta monene ezali kozela bino na Likolo. Pamba te basakoli oyo ba zalakà liboso, ba nyokolaki bango kaka ndenge wana.” 13 “Bino bo zali mungwa ya mabélé. Soki mungwa ebungisi elengi, ndenge nini bakoki kozongisa elengi na yango? Ezali lisusu na mosala te. Babwakaka yango na libanda pe banyataka yango. 14 “Bino bo zali mwinda ya mokili. Mboka oyo ba tongà na likolo ya ngomba ekoki kobombama te. 15 Soki bapelisi mwinda, ba bombaka yango na se ya katini te, kasi ba tiaka yango likolo ya mesa, po éngengisa batu nyonso oyo ba zali na kati ya ndako. 16 Yango wana bo sengeli kongenga liboso ya bato lokola mwinda, po ba mona bolamu oyo bo zali kosala, pe ba kumisa Tata na bino ya Likolo.” Matayo 5:6-11

Elakisi nini pona ngai?

Ndenge nini to koki kozala mungwa (v13)? Mungwa esalaka kaka soki elongwe na bosoto pe ekoti na botutani nà bilei. Nzambe aza na elanga ya etinda pona yo - eza batu ya libota na yo, ya engumba na bino, ya esika ya botangi na bino to ya mosala. Soki ozo meka kotalisa Kristu kasi obungisi bolingo na yo pona ye pe banzela na ye, oko zala na nguya te.

Bomoyi na yo pe bizaleli na yo ya masumu ekoloba makasi na ndenge moko mutu te akoyoka maloba na yo. Kasi bomoyi "ekota mungwa" nà bolingo pona Nzambe nà banzela na ye ekosala basusu bakoma na posa na Nzambe.

Ndenge nini to koki kokoma pepele? Mwinda esengeli ezala mpwasa pona batu nyonso, ya kobombama te. Kolanda Yesu eza eloko moko ya yo moko makasi, kasi eloko ya kobomba te. Tika mwinda na yo engenga na misu ya batu (v16). Lolenge nini batu ba koyanola? Misusu ba koyina yo (v11-12). Kasi bayini ya sóló mwinda na Nzambe kati na yo oyo ezo bimisa na mpwasa bamolili na bango. Yango kozua yango na boyo moko te.

Zela nà motema ya kozela mafuti ya Nzambe pona kowumela na yo na pasi (v12). Kasi, basusu, bako mona misala malamumu na yo pe bako bendama epayi ya Nzambe oyo azo tindika yo (v16).

Nini na koki kosala?

Eloko nini ozo kanisa na kozala mungwa pe mwinda? Lolenge okoki kobanda komona batu ya mokili na yo lokola elanga na yo ya etinda? Batu nini ozo meka kosimba pona Nzambe? Nani okoki kobengisa na eklezia?

Olingi oyeba ya koleka?

Tala Marko 5:19-20

MOKOLO 18: KABA LISOLO NA YO

Tala nzinga nzinga na yo. Bakristu te ba zingi yo. Lolenge nini okoki kosimba bango? Lolenge moko ezali kozala sóló. Sóló ya TV eza mopepe moko oyo etalaka bomoyi ya batu misusu. Ekeke na biso elingi te masóló ya mbano to basalà. Ba lingi bosóló. Yango wana moko ya banzela ya makasi koleka pona komema basusu epayi na Nzambe na bopete nyonso koloba na bango lolenge nini oyebà Yesu pe nini asalà na bomoyi na yo wuta mokolo wana. Banninga oyo ba ndimaka ya koleka ba koki koyoka soki osali yango.

Biblia ezo tangisa nini?

1 *“Batata pe bandeko, bo yoka makambo na lingi kosamba.”* 2 *Awa ba yoki ete alobi na bango na monoko ya Bayuda, ba fandi nye penza. Bongo Polo alobi:* 3 *“Ngai na zali Moyuda, na botami na Tarse na mboka Silisie, kasi na koli kaka awa na Yeruzalem, pe Gamaliel mutu azalaki kolakisa ngai makambo nyonso ya mibeko ya bakoko na biso. Namipesaki mobimba po na Nzambe, ndenge bino nyonso bozali kosala lelo.* 4 *Na nyokolaki batu oyo ba landaka nzela ya Yesu ti kutu na liwa na bango, na kangaki mibali nà basi pe na bwakaki bango na boloko.* 5 *Nganga-Nzambe monene pe Likita mobimba ya bambuta-muntu ba koki koyebisa bino soki na zali koloba ya sóló. Bango batu ba pesaki ngai mikanda na kende kotika na bandeko Bayuda ya Damas. Bongo na kendeke kuna pona kokanga bandimi, pe komema bango na Yeruzalem po ba zua etumbu.”* 6 *“Na zalaki na nzela pe tango na kómi pembeni ya mboka Damas etikalaki moke midi ékoka, eloko moko lokola kake elongwe na likolo, engengi makasi pe eye kozipa ngai.* 7 *Na kweyi na se pe na yoki mongongo moko elobi na ngai: ‘Saul, Saul! Po na nini ozali konyokola ngai?’* 8 *Na zongisi: ‘Mokonzi, yo nani?’ Bongo ye alobi na ngai: ‘Na zali Yesu ya Nazaret oyo yo ozali konyokola.’* 9 *Batu ba zalaki esika moko nà ngai ba monaki eloko oyo ezalaki kongenga, kasi mongongo oyo elobaki na ngai, ba yokaki yango te.* 10 *Bongo na tuni: ‘Mokonzi, na sala nini?’ Mokonzi alobi na ngai: ‘Telema, kende na Damas. Kuna ba kolakisa yo makambo nyonso osengeli kosala.’* 11 *Lokola miso na ngai ekufaki po na eloko oyo engengaki makasi, batu ba yaki nà ngai nzela moko basimbi ngai na liboko, pe na ndenge wana na koti na Damas.* 12 *“mutu moko azalaki kuna, kombo na ye Ananya, ye nde mutu malamumu oyo atosaka Mibeko ya Mose. Bayuda nyonso ya Damas ba lingaki ye mingi.* 13 *Aye, ateleme pene pene na ngai pe alobi: ‘Saul, ndeko na ngai, miso na yo éfungwama!’ Na mbala moko miso efungwami, pe na moni ye.* 14 *Bongo ye alobi: ‘Nzambe ya bakoko na biso asi’ aponà yo kala, po óyeba makambo ye alingaka, ómona mutu ya bosembo pe óyoka mongongo na ye.* 15 *Pamba te yo okozala mopanzi sango na ye epayi ya batu nyonso, po óyebisa bango makambo omoni pe oyoki.* 16 *Bongo ozali kozela nini? Telema ozua batisimo, pe bondela Nzambe na kombo ya Yesu po ete masumu na yo élongwa.”* Misala 22:1-16

Elakisi nini pona ngai?

Paul azo betela na ndambu ya bakristu-te lisolo na ye nà Nzambe. Na koyekola wuta na ye, to koki koloba nini? Ya yambo, yebisa batu ndenge nini bomoyi na yo ezalaki yambo okoma mokristu (v1-5). Sima na yango, limbola makambu oyo ememaki yo okoma moyekoli ya Yesu (v6-11). Na suka, yebisa bango lolenge nini bomoyi na yo ebongwanà wuta mokolo wana (v12-16).

Kokanisaka soko mokie te ete makambu obika nà Nzambe eza ya ekokà te. Batu misusu, lokola Paulo, ba kutanaka nà Nzambe na lolenge ya nguya nyonso, kasi bamingi ba kutanaka nà ye na lolenge ya nguya makasi te. Beta kaka lisolo na yo pe zala na kondima ete batu misusu bako kangama na yango. Tikala pete. Tika focus shift ya bomoyi na yo na ngolu ya Nzambe. Kasi, soki ozo lobela mosala ya Nzambe na bomoyi na yo, kasi bomoyi na yo ebandà kobongwana te,

MOKOLO 19: MOSALA

Banza ete oza na molongo ya mulayi na kozelakà tango na yo, tango na mbala moko molongo ebaluki pe batu ya sima ba leki liboso. Ezali wana oyo Yesu asalaka na bokonzi na ye. Asala mutu ya liboso ya suka pe mutu ya suka ya liboso. Na mokili oyo, mutu ya munene koleka ezali oyo ba salelaka mingi koleka epayi ya basusu, kasi na bokonzi ya Nzambe, mutu ya munene koleka ezali oyo asalelaka basusu ya koleka (Marko 10:42-45). Toko talisa soko mokie te Nzambe na mokili oyo na ndenge to sengeli soki to yekola kozua motema ya mosali liboso na batu oyo ba zingi biso.

Biblia ezo tangisa nini?

1 Feti ya Koleka ekómaki pene pene, Yesu ayebaki ete tango na ye ekoki po álongwa na mokili pe ákende epai ya Tata. Azalaki kolinga batu na ye oyo ba zalaki na mokili; azalaki kolinga bango mingi penza ti na suka. 2 Alakisi bolingo yango tango ba zalaki kolia. Zabolo asi akotelaki Yudas, Mwana ya Simon Iskariot, apesi ye likanisi ya koteka Yesu. 3 Nzoka nde Yesu ayebaki ete Tata asi atie makambo nyonso na maboko na ye; ayebaki ete awutaki na Nzambe pe akozonga epai ya Nzambe. 4 Tango ba zalaki kaka na mesa, ateleme, alongoli elamba na ye ya likolo, akamati elamba moko pe akangi yango na loketo. 5 Na sima atie mayi na sani, abandi kosukola bayekoli na ye makolo, pe apangusi bango mai na elamba oyo akangaki na loketo. 6 Tango akomi na Simon Petelo, ye atuni: “Mokonzi, yo okosukola ngai makolo?” 7 Yesu azongiseli ye: “Likambo nazali kosala sik’oyo, oyebi tina na yango te, kasi okoyeba yango sima.” 8 Petelo alobi na ye: “Osukola ngai makolo? Ekoki kosalama ata mokolo moko te!” Yesu azongiseli ye: “Soki na sukoli yo makolo te, okozwa bolamu na ngai te.” 9 Simon Petelo alobi na ye: “Mokonzi, soki bongo, kosukola ngai kaka makolo te, kasi sukola ngai pe maboko nà mutû!” 10 Yesu alobi na ye: “mutu oyo asi asukoli nzoto mobimba, asi akómi peto; asengeli kosukola bobele makolo. Bino pe bo zali peto, kasi bino nyonso te.” 11 Yesu ayebaki mutu oyo akoteka ye, yango wana alobaki: Bozali peto, kasi bino nyonso te.” 12 Tango asilisi kosukola bango makolo, alati elamba na ye ya likolo pe aye kofanda na mesa, alobi na bango: “Boyebi tina ya likambo oyo nasali bino? 13 Bino bobengaka ngai Moteyi pe Mokonzi; bolobaka malamú, po nazali Moteyi pe Mokonzi. 14 Bongo soki ngai, Mokonzi pe Moteyi, na sukoli bino makolo, bino pe bosengeli kosukolana makolo bino na bino. 15 Na pesi bino ndakisa po bino pe bo salaka ndenge ngai nasali bino. 16 Na zali koloba na bino, ya sóló: mosali aleki mokonzi na ye te, pe ntoma aleki mutu oyo atindi ye te. 17 Lokola bo yebi yango, soki bo sali ndenge wana bo kozala na esengo mingi. Yoane 13:1-17

Elakisi nini pona ngai?

Pona nini to sengeli to salela basusu? Eza bolingo na mosala (v1). Na bokonzi ya Nzambe, toza na bomoyi pona batu misusu (v10). Yesu esalà ndakisa pe ayebisà biso to sala yango (v15). Soki to saleli basusu, toko pambwama na Nzambe (v17). Yesu aloba ete eza lipamboli ya koleka na kopesa, koleka na kozua (Misala 20:35).

Pona nini to sengeli to salela batu? Esengeli to salela batu po to lingaka bango (v1). Esengeli to banza ete toza kati na Nzambe pe Nzambe aza kati na biso. Kokola oyo ekopesa biso nzela pe ekosala to miyoka na likamà te, oyo ekosala ete na tango na biso to mikitisa liboso ya basusu. Esengeli to mona ba nzela ya pete ya kosalela basusu (v5). Kosalela eza nzela ya kozala monene te. Eza kozala monene.

Nini na koki kosala?

Ozo kanisa nini na kosalela basusu? Eloko nini ezo kanga yo? Lolenge nini okoki kosalela batu ya bosangani na yo pe babosenga ya eklezia ya munene?

Olingi oyeba ya koleka?

Tala Marko 10:42-45 pe Ba Filipia 2:1-4 pe 1 Petelo 4:10-11

MOKOLO 20: MOSALA YA ENGOMBA

Moko ya maungi ya makasi ya eklezia ya ekeke oyo eleki eza litangisi oyo elobaka ete Boyokani ya Sika etalaka nanu kaka komema batu na lola. Eza bosóló te. Zua kaka litatoli ya Yesu: "Bokonzi ya Nzambe ezali awa". Pe banza na libondeli oyo esengeli to sala "Bokonzi na yo eya". Eza mpwasa lokola tongo ete Yesu ayaki kaka pona komema batu na lola te, kasi lola epayi na batu. Ya yambo, to bandaka nanu kosepela na kotondisama na Nzambe nà mosala kati na bomoyi na biso ya pasi. Sima na yango, to komaka ba nzela ya bosembo wana epayi ya batu misusu, mingi mingi batu ya pasi koleka na engumba.

Biblia ezo tangisa nini?

25 Molakisi-Mibeko moko aye po na komeka Yesu, bongo atuni ye: "Moteyi, na sala nini po na zua bomoyi ya seko?" 26 Yesu azongiseli ye: "Ba komà nini na Mibeko? Makambo nini otangaka kuna?" 27 mutu wana azongisi: "Linga Nkolo Nzambe na yo, na motema moko, na bomoyi na yo mobimba, na makasi nyonso pe na mayele nyonso; pe lisusu: Linga moninga na yo ndenge omilingaka yo moko." 28 Bongo Yesu alobi na ye: "Ozongisi malamumu! Sala bongo pe okobika." 29 Kasi molakisi-Mibeko alingaki komilongisa, atuni Yesu: "Moninga na ngai nani?" 30 Bongo Yesu abandi kobetela ye lisapo oyo: "mutu moko alongwaki na Yeruzalem po na kokende na Jerikó. Bamiyibi ba kangi ye, ba longoli ye bilamba, ba beti ye pe ba tiki ye lokola mutu akufi. 31 Sima ya mwa-tango nganga-Nzambe moko aye koleka na nzela yango; awa amoni ye, akatisi na mopanzi mosusu ya nzela. 32 Mosali moko ya Ndako ya Nzambe, mutu ya libota ya Levi asali se ndenge moko; akomi na esika wana, amoni ye, akatisi na mopanzi mosusu ya nzela. 33 Kasi mutu moko ya Samarie aye pe koleka na nzela wana; tango amoni ye, ayokeli ye mawa. 34 Apusani pembeni na ye, bongo atie ye mafuta nà vino na bapota, pe akangi yango. Na sima amatisi ye na punda na ye moko, amemi ye na ndako batu ya mobembo ba lalaka, pe kuna abandi kosalisa ye. 35 Tongo etani, abimisi mbongo mibale ya bi bendeg, apesi yango na kolo ya ndako, pe alobi na ye: "Salisa mutu oyo malamumu. Soki obimisi mbongo mosusu po na kosalisa ye, ngai moko nakofuta yango, tango nakoleka lisusu awa." 36 Bongo Yesu atuni molakisi-Mibeko: "Okanisi nini? Na kati ya batu misato wana, nani amilakisi moninga ya mutu oyo bamiyibi ba betaki?" 37 Molakisi-Mibeko azongisi: "Ezali mutu oyo ayokelaki ye mawa." Bongo Yesu alobi na ye: "Kende, yo pe sala bongo." Luka 10:25-37

Elakisi nini pona ngai?

Kolanda Yesu elakisi ete tozo yekola kolinga batu oyo ba zingi biso (v27), mingi mingi batu oyo bazo mona pasi (v37). Na lisolo oyo, batu ya biyamba (motumbi mbeka pe molewi) ba zalaki na makambu mingi ya kosala to ba zangaki mawa pona kosunga, kasi mutu moko ya mbongo mingi te na engumba (mosamaria) asalaki na bolingo oyo akokaki. Nzambe alingi ete to zala to kokà na tango ya mbano pe to tala malamumu babosenga, na kosalakà oyo to koki kosala pe na kotindikakà misusu ba ya elongo na biso (v35). Kozala mokristu ezali kaka kolinga Nzambe te. Ezali kolinga batu. Lolenge ya kondima "oyo Tata na biso andimaka lokola peto pe ezanga eloko ya kopamela eza oyo : kosunga baye ba kufela baboti pe baye ba kufeli mibali na ba pasi na bango" (Jake 1:27). Kobosana te likebisi ya Mama Teresa: "Babola ba zali na bosenga na biso te lokola biso to zali na bosenga na bango" Ezai pona kopusana pene ya batu ya pasi epusanisaka biso pene ya Nzambe.

Nini na koki kosala?

Eloko nini ozo kanisa na oyo etali koyokela batu mawa? Eloko nini ekangi yo? Lolenge okoki na buanya nyonso kobanda kosunga basusu? Ezali na balotomo ya mawa na eklezia na bino esika wapi okoki komikotisa?

Olingi oyeba ya koleka?

Tala Matayo 25:31-40 pe 1 Yoane 3:11-18

MOKOLO 21: KOSALA BOYOKANI

Mutu moko atongaki efelo kati kati na ye nà mozalani na ye oyo alingaka te. Na sima na yango Nzambe asengi ye asala boyokani. Mayi na misu, abukaki efelo pe, nà mabaya moko mawa, amisaleli nzela wuta ekuke na ye ti na ekuke ya mozalani. Mokili na biso ezo niokwama likolo ya bifelo ya kanda, ya kotaka makambu na lombango pe ya komimona likolo. Nzinga nzinga na biso, Nzambe abengi biso to bongola bifelo banzela.

Biblia ezo tangisa nini?

8 Kasi sik'oyo bo tika bizaleli nyonso wana: koyoka kanda, kotomboka, kotongana, kofingana pe koloba makambo ya soni. 9 Bo tika kokosana bino na bino, po bosu botiki bomoto na bino ya kala nà bizaleli na yango, 10 pe bozui bizaleli ya batu ya sika, oyo Nzambe asalà na ndenge na ye moko, po bo yeba ye malamumu penza. 11 Bongo biso nyonso to kokani; ozala Moyuda to te, ézala okatisá nzoto to te, ózala mowumbu to mutu ya bonsomi, ata oyekolà te, ézala kutu ozali mosenzi. Bobele kristu mutu azali na tina; ye asalaka nyonso pe azali na biso nyonso. 12 Nzambe asi aponá bino pe alingi bino; bo zali batu na ye penza. Yango wana bo yokelaka batu mawa na boboto nyonso, bomikumisaka te, bo fandaka kimia pe bo yebaka kokanga mitema. 13 Soki mutu moko na kati na bino azali na likambo nà moninga, ebongi bo yokana pe bo limbisana. Bo salaka lokola Nkolo, pamba te ye pe alimbisaki bino. 14 Na nyonso wana likambo eleki ezali: bólingana. Bolingo nde mutu ekotia bino lisanga moko. 15 Boboto ya kristu ékotela bino na mitema, pamba te Nzambe aponá bino po bo zala biteni ya nzoto moko. Pe bo pesaka Nzambe matondi. Ba Kolosia 3:8-15

Elakisi nini pona ngai?

Pona nini kolonga bokabwani pe kanda kati kati na batu? Tango to landaka Yesu, to yebanaka lisusu te pona epimelo na biso, boyebi ya biso, loposo na biso to ko zala mwasi to mobali, kasi na bozalisami na biso ya sika kati na Nzambe (v10) na kozalakà libota elingamà pe eponamà na Nzambe. Elakisi ete mokristu moko na Nigeria aza na makambu ekokanà na mokristu ya Etats-Unis to ya Chine koleka nà moninga na ye na Nigeria ya mokristu te!

To sangani na boyoni na biso nyonso na Nzambe. Yango wana langi na biso, boyebi na biso, epimelo na biso, kozala mwasi to mobali, epimelo na biso ya kotanga pe bozui na biso ekoki te kokabola biso. Kristu aza nyonso pe kati na nyonso (v11). Ndenge nini to lukaka kimia? Zala ya kokangolama na kanda pe koyina (v8). Koma mutu oyo ayokaka mawa. Malamumu, komikitisa, sembe sembe, motema ya kozela, motema ya kondima pe na bolingo (v12-13). Ya motuya koleka, tika ete bolingo na Nzambe esangisa biso na bomoko pe kimia (v14-15). Mbongwana esengeli ebanda na eklezia (v12). Soki libota na Nzambe eyebi kosala boyokani te, wana elikia eza te. Koma mosali kimia (Matayo 5:9). Molimo Santu akokamba yo pe akolendisala yo.

Nini na koki kosala?

Ndenge nini obikà kokata makambu na lombango pe kanda na libota na yo, engumba na yo to esika na yo ya mosala? Bambongwana nini esengeli esalema na kati ya motema na yo? Oza na bosenga ya kolimbisi mutu to ya kosenga mutu bolimbisi? Bikateli nini ya pete okoki kozua pona kokoma mosali kimia?

Olingi oyeba ya koleka?

Tala ba Efezo 2:14-22 pona koyeba ya koleka.

**TONGA
EKLEZIA
PONA
OTONGA
MBOKA**

OZA NA MITUNA? INFO@HILLSONG.CO.ZA

PODCAST: HILLSONG CHURCH SOUTH AFRICA (iTunes + Spotify)

KOYEBA YA KOLEKA: [HILLSONG.COM/SOUTHAFRICA](https://www.hillsong.com/southafrica)